

Ո Ր Ո Շ ՈՒ Մ թիվ- 93
Վարչական տույժ նշանակելու մասին

«14» ապրիլի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Պեյման Մոհամմադոեզա Ջաբիհիանիի վերաբերյալ նյութերը.

Պ Ա Ր Զ Ե Ց Ի՝

2021 թվականի մարտի 1-ին ՀՀ ՊԵԿ Մաքսանենգության դեմ պայքարի վարչության աշխատակիցները Մեղրիի մաքսային կետ-բաժնի տարածքում զննության են ենթարկել ՀՀ-ից ԻԻՀ մեկնող, ԻԻՀ քաղաքացի Պեյման Ջաբիհիանի կողմից շահագործվող «HOVO ZZ 4257» մականիշի, 77E891-10 (37A210-10) հաշվառման համարանիշի բեռնատար ավտոմեքենան, ինչի արդյունքում, նշված բեռնատարի կցորդի վերջնամասից, կցորդի պաշարների համար նախատեսված խցիկից, ինչպես նաև խցիկում գտնվող պայուսակից հայտնաբերել են մաքսային հսկողությունից թաքցրած 490 տուփ <<Cigaron Royal slims XL FILTER>>, 470 տուփ <<Cigaron the slimmest XL FILTER>>, 140 տուփ <<HEETS silver selection>>, 20 տուփ <<HEETS YELLOW selection>>, 20 տուփ <<HEETS AMBER selection>>, 20 տուփ <<HEETS BRONZE selection>> գրառմամբ ընդհանուր 1160 տուփ տաքացվող ծխախոտի գլանակ:

Փաստի առթիվ Պեյման Մոհամմադոեզա Ջաբիհիանիի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերցված ընդհանուր 1160 տուփ տաքացվող ծխախոտի գլանակը, որպես իրավախախտման անմիջական օբյեկտ, վերցվել և ի պահ է հանձնվել Մեղրիի մաքսային պահեստ:

29.03.2021թ. նշանակվել է «Ապրանքագիտական փորձաքննություն», որի կատարումը հանձնարարվել է ՀՀ «Փորձագիտական կենտրոն» պետական ոչ առևտրային կազմակերպությանը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 09.04.2021թ. թիվ 05962110 եզրակացության համաձայն՝ փորձաքննությանը ներկայացված տաքացվող ծխախոտի գլանակի ընդհանուր շուկայական արժեքը 2021 թվականի մարտի 1-ի դրությամբ կարող էր կազմել 1,580,000 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր

օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

Մաքսային կարգավորման մասին օրենքի 73-րդ հոդվածի 2-րդ մասի համաձայն՝ Հայաստանի Հանրապետության սահմանով արտահանվող ապրանքի մաքսային արժեքը գործարքի գինն է, այսինքն՝ այն գումարը, որը փաստացի վճարվել է, ենթակա է վճարման կամ պետք է վճարվեր ապրանքը արտահանելու նպատակով ձեռք բերելու և մինչև Հայաստանի Հանրապետության սահմանը տեղափոխելու համար:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ, չներկայանալու դեպքում կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Պեյման Մոհամմադռեզա Ջաբիհիանին 2021 թվականի ապրիլի 14-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Այսպիսով, նյութերով պարզվել է, որ 2021 թվականի մարտի 1-ին, Պեյման Մոհամմադռեզա Ջաբիհիանին, մաքսային հսկողությունից թաքցնելով, մասնավորապես հայտնաբերումը դժվարացնող եղանակով՝ բեռնատարի կցորդի վերջնամասից, կցորդի

պաշարների համար նախատեսված խցիկից, ինչպես նաև խցիկում գտնվող պայուսակից ՀՀ մաքսային սահմանով տեղափոխել է 1,580,000 ՀՀ դրամ արժեքով 1160 տուփ տաքացվող ծխախոտի գլանակ, այսինքն՝ վերջինս թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, 01"03"2021թ-ի մաքսային զննման (տեսազննման) ակտով, ՀՀ «Փորձագիտական կենտրոն» պետական ոչ առևտրային կազմակերպության փորձագետի 09.04.2021թ. թիվ 05962110 եզրակացությամբ:

Վերոգրյալի հիման վրա և ղեկավարվելով ՀՀ Մաքսային օրենսգրքի 201-րդ հոդվածով, 206 և 221, 224 հոդվածներով,


Ո Ր Ո Շ Ե Ց Ի

1. Պեյման Մոհամմադոեզա Ջաբիհիանին (ծնված՝ 06.09.1991թ., ԻԻՀ, ք. Ջանջան, անձնագրի համարը P46629912) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել ՀՀ մաքսային սահմանով թաքցնելով տեղափոխված թվով 1160 տուփ տաքացվող ծխախոտի գլանակի մաքսային արժեքի չափով՝ 1,580,000 ՀՀ դրամ: /վճարումը՝ 900005024055 հաշվեհամարին կող 19/:

2. Վերցված ապրանքը կարող է վերադարձվել տուգանքի վճարումից հետո՝ մեկ աշխատանքային օրվա ընթացքում:

3. Որոշման մասին հայտնել Պ. Ջաբիհիանին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ